



GIST U FAUSS? IL CHECK DALS FATGS DA LA SRG SSR

SRG SSR

La SRG SSR è daventada nunnecessaria! Ozendi datti avunda autras purschidas, bleras èn schizunt gratuitas!



En temps da fake news, infurmaziun exagerada e schurnalissem da clics è il service public medial pli relevant che mai. I dovra numnadamain in lieu, nua ch'ins po consultar infurmaziuns fidablas ch'èn accessiblas per tuttas e tuts. La taxa da medias procura che la SRG SSR po rapportar senza squitsch politic ed economic e garantescha ina purschida d'infurmaziuns independenta e d'auta qualitat.



Las interpresas ston pagar il dubel – quai n'è betg fair!



Era l'economia svizra profitescha d'ina plattafurma naziunala e da rapports fundads davart ella. En noss pitschen pajais sa participeschan tradiziunalmain la populaziun e las interpresas als custs per il service public – saja quai cun pagar taglias per vias e scolos u apunta cun pagar la taxa d'interpresas per il service public medial. Oz è passa 75 pertschient da las interpresas deliberadas da la taxa, cun la decisiun dal Cussegl federal dal zercladur 2024 vegnan quai ad esser en l'avegnir schizunt 80 pertschient. Era grazia a la participaziun finanziaria da las interpresas è la taxa per chasadas privatas sa sbassada dapi il 2018 da CHF 451 sin CHF 335, u ditg auter per passa 25 pertschient.



Interpresas pitschnas e mesaunas vegnan engrevgiadas fermamain cun la taxa da Serafe!



Per distgargiar anc pli fitg interpresas pitschnas e mesaunas ha il Cussegl federal decidì il zercladur 2024 da deliberar ulteriuras interpresas da la taxa da medias. A partir dal 2027 na ston interpresas cun ina svieuta da main che 1,2 miu. CHF pagar nagina taxa da medias, quai è var 80 pertschient da tut las interpresas en Svizra. La taxa per il stgalim da tariffa il pli bass (svieuta dad 1,2 miu. fin 1,7 miu. CHF) importa 325 francs ad onn ed è damai pli bassa che quella per chasadas privatas.



Las Svizras ed ils Svizzers pagan la pli auta taxa da medias en l'Europa!



En nagin auter pajais na vegn producida ina purschida da program en quatter linguas e per quatter regiuns culturalas – i n'è damai betg pussaivel da cumparegliar a moda seriosa la taxa da medias svizra cun quella dad auters pajais, era la capaciad da cumpra è dapertut in'otra. Var 40 pertschient dals custs resultan da nossa plurilinguitad. Sche la purschida fiss monolingua, importass la taxa var CHF 200, quai che corresponda a la media europeica.





GIST U FAUSS? IL CHECK DALS FATGS DA LA SRG SSR

SRG SSR

La SRG SSR carmala cun pajas exageradas e prenda uschia davent da las medias privatas las meglras schurnalistas ed ils megliers schurnalists!



Il sistem da paja da la SRG SSR è transparent: la politica da pajas vegn preschentada en il rapport da gestiun da la SRG SSR ed en il reporting da las pajas da cader da la Confederaziun. Las pajas da la SRG SSR correspundan sin tut ils stgalims a la media dal martgà (+0,2 pertschient tar las plazzas redacziunalas, -2,2 pertschient tar las funcziuns da support). Dal rest mussa la «mobilitad» en tuttas duas direcziuns – i dat era collavuraturas e collavurats da la SRG SSR che midan tar las medias privatas. Per la SRG SSR èsi legraivel ch'il martgà permetta quest barat.



Ils emetturs da la SRG SSR perdan successiva-main aspectaturas ed aspectats!



En tut nizzegian 83 pertschient dals umans sur 15 onns en Svizra mintg'emna ina purschida da la SRG SSR. Il diever è damai vinavant grond, el sa reparta dentant sin dapli chanals differents: cun las novas disas da consum vegnan las purschidas da la SRG SSR nizzegiadas adina pli savens da tuttas uras, on demand u online. La SRG SSR è vinavant in punct da referenza central per la furmaziun da l'opiniun politica e gjauda ina gronda confidenza dal public.



La giuventetgna na nizzegia betg las purschidas da la SRG SSR e sto tuttina pajar!



La SRG SSR cuntanscha er in public pli giuven: dals umans giuvens da 15 fin 34 onns che s'interessan per la politica inditgeschan 73 pertschient da nizzegiar regularmain purschidas online da la SRG SSR. Oz consumeschan els quels cuntegns adina pli savens sin plattafurmas digitalas. La concessiun incumbensescha la SRG SSR explicitamain da metter a disposiziun purschidas specificas per giuvenils – e quai là, nua ch'il public pli giuven sa mova. Quai fa la SRG SSR per exempel cun emissiuns sco Tataki, SRF Impact e Wetube.



La SRG SSR rapporta memia bler da temas da la sanestra!
La SRG SSR surpiglia ils arguments da las partidas da la dretga!



La SRG SSR è obligada ad ina rapportaziun objectiva che represchenta a moda adequata la varietad da las opiniuns. Quai vegn controllà dals servetschs da mediaziun e da l'Autorità independenta da recurs davart radio e televisiun AIRR. In studi da l'Universitad da Turitg (fög) ha intercurì quai a moda scientifica e vegn a la suandanta conclusiun: tar la rapportaziun davart votaziuns dal pievel e davart elecziuns èn ils emetturs da la SRG SSR posiziunads precis amez, la tonalitat da la rapportaziun vegn descritta sco neutrala.





GIST U FAUSS? IL CHECK DALS FATGS DA LA SRG SSR

SRG SSR

La SRG SSR è in emettur statal!



La SRG SSR è in'uniun independenta e na tutga betg al stadi. Ella è politica-main ed economicamain independenta, grazia a la finanziaziun solidarica a maun da la taxa da medias. L'uniun SRG SSR è organisada tenor il dretg privat e dumbra actualmain passa 23'000 commembras e commembers. La SRG SSR tutga a nus tuttas e tuts.



I tanscha, sche la SRG SSR garantescha ina purschida da basa en il sector da l'infurmaziun!



La Constituziun federala determinescha l'incumbensa da la SRG SSR, numnadamain: contribuir a la furmaziun ed al svilup cultural, a la furmaziun libra da l'opiniun sco er al divertiment. Per quai dovri ina purschida multifara d'infurmaziun, cultura, sport e divertiment. Quai pretenda era la concessiun explicitamain. Cun in program puramain infurmativ giess bler a perder: p.ex. l'approximad e l'attaschadad als umans en Svizra, u la contribuziun a la coesiun ed ils eveniments communabels che resultan dal divertiment e dal sport.



La SRG SSR concurrenzescha cun sia purschida las medias privatas!



La SRG SSR na concurrenzescha betg las medias privatas en Svizra, mabain las cumplettescha. En nagin auter pajais na datti uschè bleras cooperaziuns tranter chasas da medias privatas ed il radio e la televisiun publica sco en Svizra. Gist en il sector online èn las directives per la purschida da la SRG SSR severas: scumond da reclama, connex obligatoric cun in cuntegn audio-visual e limitaziun da la lunghezza dal text. La concorrenza en l'ambient medial dad oz è gia daditg internaziunala e globala cun ils gigants da la tecnologia. Tuttas e tuts profiteschan dad ina piazza da medias multifara. La perscrutaziun mussa che la stima per il schurnalissem è pli auta en pajais cun in ferm service public e che la prontadad da pajar na vegn betg influenzada a moda negativa.



Suenter la votaziun davart No Billag ha la SRG SSR empermess da sbassar ses custs, ma capità n'è nagut!



Dapi il 2018 ha la SRG SSR reduci ses budget per passa 100 miu. francs. Quai han ins cuntanschì cun dapli efficienza e dapli sinergias, e quai dapertut: en ils programs e tar ils custs da persunal, d'administraziun e da structura sco er en ils secturs operaziuns e distribuziun. In exempel è il nov camiun da videoreportascha che po vegnir duvrà en tut las regiuns linguisticas.





GIST U FAUSS? IL CHECK DALS FATGS DA LA SRG SSR

SRG SSR

**Pertge duai la SRG SSR
esser activa en las
medias socialas? Quai
n'è nagin service public!**



La SRG SSR sto cuntanscher la glieud là, nua ch'ella passenta il temp, incl. sin ils chanals digitalts – la concessiun oblighescha la SRG SSR da far quai. Il public giuven s'infurmescha adina dapli en las medias socialas. Igl è impurtant da chattar purschidas seriusas gist era là, nua che fake news sa derasan.



**I na dovra betg ina pur-
schida online excessiva
da la SRG SSR: uschia
prenda ella davent utili-
sabras ed utilisaders a
las medias privatas!**



La SRG SSR n'ha betg ina posiziun dominante en il sector online, sia quota da participaziun al martgà munta a 20,1 pertschient (tuttina auta sco quella da la TX Group). La concessiun dat a nus clers parameters per nossa purschida online. La lunghezza dal text è limitada e mintga contribuziun sto avair in connex cun in cuntegn audiovisual – uschia vegn garantì che la purschida da la SRG SSR sa drizzia er online tenor ils cuntegns audiovisuals. In nov studi da l'Universitad da Turitg (fög) vegn a la conclusiun che la SRG SSR na supprima betg las purschidas d'infurmaziun privatas en il sector online. Il cuntrari: tgi che nizzegia las purschidas da la SRG SSR consume-scha pli savens purschidas d'infurmaziun da medias privatas.



**I n'ha mai dà ina debatta
davart il service public.
La politica sto ussa final-
main definir il mandat da
prestaziun da la SRG SSR!**



Ils ultims onns han ins manà regularmain ed a moda intensiva la debatta publica davart il service public medial. L'iniziativa «No Billag» (refusada cun dapli che 70%), ina restricziun da la purschida online da la SRG SSR (refusada dal parlament) e l'aboliziun da la taxa per interpresas pitschnas e mesaunas (medemamain refusada dal parlament) èn mo insaquants exempels. L'onn 2019 han ins deliberà ina nova concessiun ch'è vegnida discutada ordavant publicamain e che ha sviluppà vinavant l'incumbensa da service public da la SRG SSR. Il Cussegl federal ha gia mess en vista in'ulteriura adattaziun da la concessiun. Ella duai vegnir elavurada suenter la votaziun davart l'iniziativa «200 francs bastan!». Quel mument èsi numnadamain era cler quants daners che la SRG SSR vegn en l'avegnir anc ad avair a disposiziun.





GIST U FAUSS? IL CHECK DALS FATGS DA LA SRG SSR

SRG SSR

Cun l'augment da las chasadas crescha er il budget da la SRG SSR d'in cuntin, la SRG SSR survegn damai dapli e betg damain daners!



Na, dapi il 2019 è la quota consegnada fixada sin ina summa fixa, independentamain da l'augment da las chasadas. Quai vegn a restar uschia era vinavant: il zercladur 2024 ha il Cussegl federal decidì da sbassar la taxa da medias a partir dal 2027. Quai signifitga che la SRG SSR vegn ad avair a disposiziun considerablmain damain meds e ch'ella sto spargnar. A partir dal 2029 duai ella anc survegnir 1,2 mia. francs da las taxas da las chasadas, quai èn var 120 miu. francs damain che oz. L'augment da las chasadas è gia resguardà, i na dat naginas entradas supplementaras da vart da la taxa da medias.



La SRG SSR paja simplmain dapli e las medias privatas tiran uschia la curta en connex cun ils dretgs da sport.



Tar ils dretgs da sport na vai en emprima lingia betg per ils daners. Las purschidas da la SRG SSR èn fitg derasadas en tut las regiuns linguisticas e vegnan preparadas redacziunalmain per mintga regiun linguistica. Gist quai è impurtant per realisateurs d'occurrenz da sport e sponsurs: cuntanscher il public en las regiuns e garantir ch'il sport è vesaivel.



La SRG SSR fa emissiuns da sport che las medias privatas savessan far gist tuttina bain.



La produenziun da sport en la televisiun è pretensiusa e complexa e n'è betg refinanziabla. La reclama ed il sponsoring cuvran en media mo 10 fin 20 pertschient dals custs. Sulettamain grondas interpresas da telecomunicaziun sco Swisscom e Sunrise (resp. blue e Mysports) disponan da las pussaivladads persunalas ed infrastrukturalas per porscher prestaziuns e producir programs da sport cumparegliabels cun quels da la SRG SSR – per lur purschidas ston ins dentant pagar. Visavi ils emetturs da pay-tv vegn en dumonda en la televisiun libra mo in model che surpiglia programs gia preparads e prunts.

